

'S e buidheann de dh'eileanan iomallach is stacan mara, 100 mìle bho oirthir an iar Alba, a th'ann a **Hiort**. Tha iad nan dachaidh don choloinidh as motha de dh' eòin-mara san Roinn Eòrpa agus do chaoraich, luchainn agus dreathain-donn nach fhaighear an àite sam bith eile. Tha cuimhneachain drùidhteach ann air mu 5000 bliadhna de dh'eachdraidh is cultur nan daoine a bha a' fuireach ann gus na dh'fhàg iad ann an 1930.



Stac Lee © NTS



Hiort

Cearcall Brodgar



Tha **Cridhe Linn Ùr na Cloiche ann an Arcaibh** air cruth-tìre bho Linn Ùr na Cloiche cho beartach 's a tha ri fhaighinn air taobh a deas na Roinn Eòrpa. Tha a charraighean dachaigheil agus deas-ghnàthach a' foillseachadh sàr obair dealbhachaidh agus togail, a' toirt dhuinn seallaidhean air leth air comann-sòisealta, sgilean agus creideamhan spioradail nan daoine a thog iad.


ARCAIBH • Kirkwall

SEALTAINN



Tha Drochaid Foirthe na samhla air an ìre as àirde a ràinig luchd-togail dhrochaidean san naoidheamh linn deug. 'S i an drochaid "cantilever trussed" as motha san t-saoghal. Nuair a chaidh a fosgladh ann an 1890 bha an sineadh drochaide a b' fhaide san t-saoghal innte. B' i cuideachd a' chiad structar cudromach a thogadh le stàilinn màlda. An-diugh tha i na samhla cumhachdach de dhualchas gnìomhachasach, saidheansail, ailtireil agus còmhdaileach na RA.

Sealladh bho tha Drochaid Foirthe



Rough Castle



Bha **Balla Antonine** a' comharrachadh na crìche a b'fhaide tuath a bh'aig Ìmpireachd na Ròimh bho chionn faisg air 2000 bliadhna. B'e cuideachd a' chrìoch a b' ioma-fhillte. A' ruith thairis air meadhan na h-Alba, chaidh a thogail le saighdearan Ròmanach dhan Ìmpire Antoninus Pius timcheall air AD 142. Tha an saothair air a chuimhneachadh le buidheann chlachan-mìle a tha gun choimeas.



Taigh Robert Owen

'S e baile muilnean cotain bhon 18mh linn, air a dhèanamh suas as ùr, a th'ann an **Lannraig Nuadh**. Tha e suidhichte ann am mòr-ghil chumhang air Abhainn Chluaidh. Ainmeil airson cho adhartach 's a bha an dòigh-stiùiridh aig an tùsair sòisealta, Raibeart Owen, b' i a' mhuileann cotain bu mhotha a bha ann an Alba agus aon de na buidhnean gnìomhachais bu mhotha san t-saoghal.



Seann Bhaile Dhùn Èideann, Upper Bow

Tha **Bailtean Sean agus Ùr Dhùn Èideann** a' cruthachadh dealbh-baile cho eireachdail 's a th'air an t-saoghal. Tha caractar air leth a' bhaile a' tighinn bhon eadar-dhealachadh a tha eadar an Seann Bhaile meadhan-aoiseil, le thrannsaichean cumhang, sònraichte, agus Baile Ùr na 18mh linn, an eisimpleir as slàine san Rìoghachd Aonaichte de bhaile a chaidh a dhealbhadh ri linn nan Seòrsach.

MAP LÀRAICH DHUALCHAS NA CRUINNE



Tha **Làraichean Dhualchas na Cruinne** air an aithneachadh le UNESCO (Buidheann nan Dùthchannan Aonaichte airson Foghlam, Saidheans agus Cultair) mar àiteachan aig a bheil dualchas cultarach no nàdarraich a tha cudromach gu h-eadar-nàiseanta, aig a bheil Luach Barraichte agus Uile-choitcheann a thathar a' creidsinn a tha dol thairis air crìochan nàiseanta agus a tha cudromach do ghinealach tha ri teachd.

'S e fìor urram a th'ann faighinn air Liosta Làraichean Dhualchas na Cruinne. Tha e a' taisbeanadh aithne eadar-nàiseanta air cudromachd làraich. Feumaidh dùthchannan as a bheil Làraichean Dhualchas na Cruinne an riaghladh air dhòigh 's gum mair an Luach Barraichte agus Uile-choitcheann dhan àm ri teachd.